

1595 Byzantium tuto contendere non posset, ut mari navigaret, Senatus iussit. Binæ illi, Antonio Justiniano damnatorum præfecto, triremes datæ, quibus in Aegæum ad eum locum, quem *Borci* vocant, æque Thessalonica ac Byzantio distans delatus, reliquum itineris terra conficeret. Perhonorifice Byzantii Donatus exceptus, Mehemeti gratulatus, pacem veteribus conditionibus summa cum Reipublicæ existimatione fancivit. Ad eam firmandam haud parum temporum conditionem contulisse compertum fuit; quod tunc ancipiti bello Pannonico ac Dacico Turcæ premerentur, omnium mortaliū mentibus, ac præcipue Italiæ Principum, in eorum exitus obversis.

*Joannes
Franciscus
Aldobrandinus cum
copiis pontificiis in
Pannoniam
mittitur.*

Clemens ad opem Cæsari afferendam intentus, Ioannem Franciscum Aldobrandinum, nepotem, superiore anno in Hispaniam miserat, ut Philippum pecunia & copiis ad Rodolphum juvandum hortaretur: eundem postea ecclesiasticarum copiarum imperatorem creaverat, duodecimque peditum milium delectu in suis ditionibus iussu, equitum validam manum adjecerat. Quatuor sacerdotibus decumas in Italia injunxerat; cumque Reipublicæ octonas, quæ in assiduos sumptus atque in nova erigenda arce erogarentur, exigendas concessisset, quinquaginta aureorum millia sacratis viris ob Pannonicum bellum, permittente Senatu, indixerat. Aldobrandinus Venetias in itinere accessit, liberaliterque habitus, per Veronensem agrum, ac Tridentinos saltus in Pannoniam contendit. In superiore Maximilianus Cæsaris frater, Tiphembachio, in inferiore Matthias, Carolo Mansfeltio vices obtinentibus, bellum gerebant.

*Carolus
Mansfeltius in Strigoni
oppugnatione
obijt.*

Mansfeltius Strigonium aggressus, veterem civitatem capit; novam cum arce quatit; divi Thomæ collem occupat; Turcas subsidia obsessis afferre conantes dissipat, cædit; propugnatores, colloquio petito, re infecta, discedunt. Inde Cæsarei acrius muralibus tormentis mœnia urbis arcisque dejiciunt, perque ruinas ascensum moliuntur. At jam prope certa victoriæ spe Mansfeltius febre ac dysenteria correptus excedit; vir priscae disciplinæ, militaris gloriæ illustris. Ei Burgravius castrorum Magister succedit; Cæsarei ea civitatis parte, quam vulgo ad aquas vocant, potiuntur. Jam in sup-
ple-